

影印宋藏遺珍

第三函
函十冊

農新編入錄

雙峯山曹侯溪寶林傳卷第四

秦

雙峯山曹侯溪寶林傳卷第四

第十八祖伽耶舍多章簷狗品第二十二
余時伽耶舍多者摩提國人也昔所
生處於此國西三千之里有一大山
名寶貝落迦其山南面居于十足地廣
平正父母舍宅而悉在中姓梵鬱頭藍
號伽耶舍多父名天蓋母字方聖而

初孕時夜夢神人告方聖曰我來也
手執寶鏡而就其母於此寤覺身躰
安樂時出異香徧滿於室時時舍內
每現圓光懷得七日而自誕育身如
瑠璃內外明徹年甫十二都不洗浴
其身清淨絕無塵垢時人共語悉不
勝彼心常閑靜亦不多語處于舍宅
亦不執怪尔時僧伽難提告大眾曰

我昔本師羅睺羅多當受記云從吾
之後於摩提國又出一師名伽耶舍
多吾與汝等同尋此聖如此行已當
會遇之尊者語訖與諸大衆至摩提
國於法座上爲衆演說忽於一日而
有微風從西而起尊者迴面向西而
候其事已乃告大衆汝等諸人識此

風不衆曰聖智非惻尊者曰今此風者名曰道風從此而去三千里內而有聖者欲出于世先淨國土而生其風又告衆曰今此風者不同諸風亦名淨土風此風和涼不損一切雖入大海不作諸浪雖入林木不動枝葉所有疾病遇此風者皆悉痊退所有諸

業懺不消者遇此風故皆悉除滅所
有習學心不通者遇此風故心即朗
暢而會其理尊者言已命大眾曰西
尋聖者而化導之即作神通舉衆皆
攝未至食頃到一大山山上有蓋如
寶落迦尊者曰此是聖所聖亦止此
言猶未訖見一俗舍枕于此山除此
一舍更無他止是時尊者至彼舍宅

云此斃歎坐猶未久見一童子年當
十二手抱銅鏡至于師所往返問答具
如上說父母見子有此竒異欲令出
家遇尊者故方得度脫將至古寺登
羅漢壇而爲受戒師賜法藏并說其
偈而教囑敬而奉行今時伽耶舍多
得付法已游行教化到一世界名月
氏國於彼國土大作佛事說法度衆

導化無量又彼國中有婆羅門家養
得一犬常於屋簷下臥縱蹇足逐去還
來本處如是臥此簷下經于十年不
止別處人有所怪何好於此或復有雨
并水所浸亦不離此臥於水中尔時
婆羅門心自念言此犬何意而好處
此更不餘止以杖驅逐蹇足去還返如

是打喝又經五年。尙時婆羅門年始
三十名曰鳩摩羅多。心常勇健不信
有佛。亦不信法。不信因緣及諸果報。
而信外道常師。梵志談非因緣。何有
果報。俱是自然。梵志所說甘心信伏。
時鳩摩羅多告梵志曰。師說自然非
因緣法。今此猶者當何自然。而趣于此。
梵志曰。此猶其心自然。而好低下。亦

非因緣之所感故。今時鳩摩羅多又告梵志曰：我於昨夜而作一好夢。夢見真金曰：赫赫照天地。我與梵志等處于一暗室，忽被日光射，二身如琉璃。師身淨無物，我身蟻衆。食師說達自然，而為我消釋。今時梵志告鳩摩羅多曰：此日出自然，赫赫自然，赤真金。躰自然，非物能賤貴。天地本自然。

光照於彼此二人處于室明暗各自
然汝身蟻衆食我舛常自然今時鳩
摩羅多雖聞所解心猶未釋又曰我
所作夢欲釋其原師所解夢還如說
夢如此解已非我意中揔說於自然何
如夢說夢又曰願逢一智者而爲我
解釋與彼事相應我願隨師學作是

念已即捨梵志而歸本舍。尔時伽耶舍多在彼國中。於一座上告大衆曰：見此氣不大衆曰：見師曰：教說此氣者。大衆氣也。何以夫氣像者氣如虹環。其事必圓氣如玉璫。菩薩在傍。今此氣者猶如玉璫。下有聖者不久出世。又云佛記云：吾滅度後九百年中當有菩薩現月氏國。後而化導。至于北

天復度一衆次第二十今此氣者必
當是乎尔時伽耶舍多即下本座與
諸大衆至于氣所到彼氣所其氣漸
隱師即立住轉復不見師曰此聖非
遠且候從容須臾之間有婆羅門年
甫三十來問左右曰此是何人左右
報曰是佛弟子尔時婆羅門却歸本
舍而閉其戶是時伽耶舍多告大衆

日前瑞所起不離此宅尊者進步漸
至宅所而扣其戶今時婆羅門報曰
此舍無人尊者問曰答無者誰時婆
羅門鳩摩羅多聞其語異不同梵志
必是智人而可屈就時鳩摩羅多即
開其門禮覲尊者請於舍內而踞其
塌以諸果藥而供養之是時尊者作

是念言今此人者必當是矣時鳩摩
羅多而供養已乃問師曰我家有一
犬常於檐下溼地而臥前後打逐輒
去還返至於彼臥更不移止今請智
者爲說其事與意同故我即師學尊
者曰若我所說定其昔事與汝意通
實師我不鳩摩羅多若與意合當隨
師學伽耶舍多曰今此犬者是汝父也

何以故爲有少業而懷猶中其父死時汝身不在父有黃金未付於汝金在簷下以覓盛之可有千錠汝若不信但掘於此汝收金後狗臥隨處不定於彼時鳩摩羅多即致其功便掘其地未至五尺掘著其父父有黃金實千餘錠收拾以訖其犬不止隨其處所而自安臥時鳩摩羅多不違願

故便隨師學又問昔夢具如前白尊
者曰汝夢見日是佛日照曜天地者
度二衆也二人處暗室者心未明了
也日光照身者出無明宅也身如琉
璃彼所淨者自利一身非度他衆汝
身有蟻衆所知識而自湊泊當於彼
所而食汝祿尔時鳩摩羅多聞說二

事心即決定即離居舍隨師敬奉而
爲給侍。今時伽耶舍多深知宿命知
此弟子道力當備而命聖衆而與出
家受具足戒。令證道果時伽耶舍多
告鳩摩羅多曰。如來以大法眼付囑
迦葉。如是展轉乃至於我。我今傳此
正法眼藏付囑於汝。汝受吾教聽吾
偈言。有種有心地。因緣能發萌於緣。

不能礙當生生不生今時鳩摩羅多聞
師說偈心生歡喜得法眼故當自安
樂而受訓誨敬重頂戴今時伽耶舍
多付法已竟即從座起涌身虛空作
十八變化火三昧自焚其身亦不至
地雨下舍利衆拾供養隨收得處各
塔廟而供養之時當此土前漢第十
主成帝十四年戊申之歲入涅槃也

第十九祖鳩摩羅多章試神足品第二十三

尔時鳩摩羅多者月氏國人也姓婆
羅門昔於無量劫中曾生他化自在
天上忽見菩薩身有瓔珞心生愛美
次憶他化而生梵天與一天仙說佛
知見彼仙證果獲須陀洹承此力故
而為導師度諸天衆有一天女其白

端正多修忍辱而至此會禮覲導師
時一座中人千二百俱瞻此女心起
愛樂累彼導師憶於梵天而生此土
彼天女者亦生此土而姓梵志今時導
師生婆羅門家其人財富多諸金銀
七珍等寶心長憖惜人所難得今時
有一羅漢名曰海勝知彼導師昔之
因緣當憶於此羅漢曰我於先世曾

生梵天因得此師說佛知見今者當
證道果我旣得果須化此師而令出
世作是念已即至婆羅門家見一童
子名鳩摩羅多便問乞金汝若施我
當獲解脫童子曰我年十五未至自
由父雖不在待白其母童子白母母
即聽施隨汝所與亦不留難是時童
子施金一斤與彼羅漢羅漢記曰汝

從向去又經一十五年當遇菩薩出
世而引入道化度無量盡獲聖果已
授記畢羅漢又曰汝有小難而折大
業不久解脫疾證菩提今時羅漢言
訖即去未至須臾其父歸舍子白前
言猶未訖叫喚罵詈即取其杖決子
一百從此決已父身病疾於夜分中

密自執器於其簷下而掘其坑可深
一丈埋其瓮金近一千錠恐子枉用
而破家業從此埋已不令大小而知
處所唯自側臥瞻望簷下從此病已
直至于死却於本舍而作一牀唯臥
簷下先問梵志而不能釋次遇伽耶
舍多而悉往事前文已明不能再述
尔時鳩摩羅多得付法已與諸大衆

游歷他國化導衆生行菩薩道植諸
善本名稱諸土時北天竺有一大士
而塗足油歷諸國界而遇尊者作禮
圍繞却住一面而白其事我家有父
母心常好供養亦求於佛道至樂禪
寂者未知何因緣長疾而不効我有
一隣舍心常行兇險煞害一切物不
解求佛道亦不識供養豈會禪寂者

雙峯山曹侯溪寶林傳卷第四

如此行惡故常獲無病疾未知此二行
惡者却善資善者却惡報伏願尊解
說令我得見之今時鳩摩羅多告大
士曰佛云人生在世有三等業吾悉
知之何等為三亦曰三世前生福業
大而積功德厚當報於今身今身作
諸罪惡業力微劣未及功德多且受

善業報不現其惡相從此一報中更
不作功德盡此一報畢當墮於惡道
一入無有出更不復人道又曰前世作
惡業其罪如丘山今世作少善猶未過
於彼其善力微薄且受諸惡故不現
其好相從此一報中更不作諸惡盡
此一報畢當獲諸善報於此善報時
更不作諸惡而不煞害故更不復惡

道永永生善利又日前生修功德而致彊半功有少破和故迴心修惡行罪業少功德亦死先受福正快活心似得安樂忽降諸凶喪其家漸殘破承彼先惡業相續致於此非是今修福而招此惡報又曰前世作惡業其罪彊半功忽遇一智者而教修福德福德雖修已其善未過彼功德少於

罪亦死先貧窮心不敬信佛亦不重
三寶如是過半已其家漸富有資生
多財帛承彼先善業相續致於此非
是今作惡而招此善報今時大士聞
師說法心開意朗欲依師法如師出
家師曰汝有父母當在何國而須就
彼自言出家父母聽汝許可即來大

士曰我去本國難可得迴從此至舍
三千餘里我請尊者彼國供養度我
出家尊者曰我往彼土不足食頃汝
所致步應難得至大士曰我往不難
亦是食頃尊者曰汝有何法大士曰
我在家時有一師兄名闍夜摩曾在
彼國主一佛塔其塔中佛名俱那含
於此塔前先有一樹樹生其子多不

越百其大如棗名末訶子此佛滅度
生此一樹其子爲油將塗其足須臾
之頃游三千里又欲住時將此樹葉
隨身多少拭此油盡要住即住欲擬
行又將塗足如是住法准如前事尊
者曰汝有此油已非凡故共汝即同
往彼國今時鳩摩羅多即作神通而
往比天竺國如是神力至彼佛塔作

禮圍繞却住一面瞻仰尊顏目不暫
捨尔時俱那含佛放白豪光照彼大
衆盡獲阿羅漢果各有神力而自在故
尔時大士辭父母竟而至師所志求
出家時鳩摩羅多尊者即於塔前度
闍夜多復命聖衆而爲受戒尔時鳩
摩羅多度大士已用偈告曰此佛放

光明是度於汝相汝已得解脫諸衆
當亦然尊者說此偈已乃告闍夜多
曰如來已大法眼付囑迦葉如是展
轉乃至於我我今將此法藏付囑於
汝汝當守護聽吾偈言性上本無生
爲對求人說於法旣無得何懷決不
決尊者說此偈已乃告衆曰今此偈
者妙音如來見性之偈汝可禮重當

獲覺路時闇夜多深心敬重依師教
詔頂戴奉持時鳩摩羅多付法已竟
即於座上以爪髻方面各分兩向當此
分處有大光明照諸大眾照大眾已
寂然滅度諸衆感慟起塔供養時當
此土王莽十八年壬午之歲入涅槃
第三祖闇夜多章示終神力品第二十四
今時闇夜多者北天竺國人也以兄

油故用塗其足至彼中印度禮觀鳩
摩羅多尊者問其業報善惡各異上
修福德便有凶衰而作諸惡咸昭善
瑞其此二者前文以錄故不說焉時
鳩摩羅多而為說已大眾聞竟悉獲
聖位今時闇夜多聞師所說心意朗
然即欲出家隨師侍衛尊者曰汝父

母何處取辭父母父母聽許即來吾
所為汝出家闇夜多日我之父母去
此三千我去即易來日無由以尊力
故共至彼時尊者我去三千未消食
須汝去歸國非得易耶闇夜多日我
之有兄而入佛道於彼國中供養一
塔塔中有佛名拘那含此佛滅時當
於塔前而生一樹彼樹有子如其棗

大極結繁實方得百顆將得此子以
充其油塗其足下須臾之頃行三千
里不將難矣尊者告曰汝有此油是
非凡者我今共汝同往彼國得覲佛
塔瞻禮圍繞今時鳩摩羅多即作神
力而至佛塔見其塔已作禮瞻仰今
時拘那含佛從其頂相放大光明照
燭一衆皆獲解脫闇夜多亦至彼所

而求出家白尊者曰父母聽我而依
尊者今時鳩摩羅多便與度脫命諸
羅漢而與受戒師見度已而說偈言
此佛放光明是度於汝相汝已得解
脫諸衆當亦然尊者付法并說法偈
受其教囑頂戴奉行今時闇夜多得
付法已心得自在行菩薩道宣正妙

法名徧諸國度衆無量佛授記云吾
滅度後九百年中至于北天復度一
衆次第二十名閼夜多佛記第二十
祖智慧超勝辯才無礙游歷國土靡
不周徧至一聚落名羅閱城彼城之
中多諸道衆而見尊者咸皆宗仰彼
諸衆等善解三藏甚深淵博辯惠聰
慧諸有來者無能敵彼是時衆中有

一頭陀六時禮佛少欲知足長聖不
臥一食而已今時尊者告大眾曰此
頭陀者汝見如何諸大眾曰不可思
議常修梵行長聖不臥一食而已尊
者告衆曰此是道耶衆曰誠如尊說
尊者曰今此頭陀不久墮落與道縣
遠心有所得不名道故衆曰師如何尊
曰我不求道亦不顛倒我不六禮亦

不輕慢我不長聖亦不懈怠我不一
食亦不雜食我不知足亦不貪欲尔
時頭陀聞說法已心生敬重即於座前
以偈讚曰稽首三昧尊不求於佛道
不禮亦不慢心不生顛倒不聖不懈怠
但食無所好雖慢而不遲雖急而不
躁我今遇寶尊和南依師教尔時尊

者告大衆曰會吾語不大衆曰依教
奉行尊曰此頭陀者非是汝背曾過
去却常行不輕行至于今日吾所言者
爲彼求道者心如彼緊絃曰贊曰急
此絃急故其聲斷焉此聲緊故行者
絕矣故吾不贊令彼寬慢無有所得
方始安樂此北天竺呼爲徧行頭陀此
羅閱城衆共號此徧行頭陀爲婆修

盤頭也是梵語矣。今時闇夜多尊者
知此婆修盤頭是其法器。雖遭逆語
心不動搖。轉生恭敬意。如大海。又問婆
修盤頭曰。汝生恭敬心。不退轉。有此逆
言。當何不動。今時婆修盤頭白。尊者
曰。我昔前世第七劫中。至行勤敬。常樂
供養於一國土。名常安樂。我於彼所
心不懈怠。常行教化。見一智者。名曰

月淨乃命我住而語我言汝當不久證
斯陀含果宜應勤敬勿可犯也又語
我言至修行者如彼昇天漸漸而上
去地遙遠不可退憶若退憶者終有
所損而不復上我昔世中年已八十復
患腰腳不能自履以杖扶策隨其處
所有一菩薩名大光明而處一寺居

止一房我就致敬已畢却歸本座尔
時月淨而來至彼當語我言前者見
汝不久證果今度一覩却在凡地苦
哉苦哉何因始此知汝其過輕父重子
婆修盤頭問月淨曰此非可懺不月
淨曰汝識罪不婆修盤頭曰我未省
犯月淨曰汝懺何罪婆修盤頭曰我
多忘失未省此罪月淨曰汝禮拜大

光菩薩不婆修盤頭曰我曾禮拜汝
省彼房門外有畫佛不婆修盤頭曰
不見月淨曰汝倚其杖在其佛面爲
彼輕故不得斯陀含果當退八位汝
須知之時婆修盤頭即至彼寺其壁
上實有一佛爲禮大光倚此杖故上
墮於我而歸八位今見尊者所出言
教無不信受縱有逆語如風度耳亦

不停滯願尊慈造有法教誨時闍夜
多告婆修盤頭曰如來已大法眼付
囑迦葉如是展轉乃至於我我今將
此法眼藏付囑於汝汝可流布無令
斷絕受吾教已而聽偈言言下合無
生同於法界性若能如是解通達事理
竟時婆修盤頭聞說法及其偈言心

生歡喜頂戴奉行。尔時闍夜多付法
已竟。即於座上。已首在下。卓然倒立。如
娑羅樹枝。舉衆共取。欲擬闍維。悉不
能動。又諸羅漢盡其神力。欲擬取下。
亦不能動。如須彌山。不可傾覆。尔時
大衆同用神力。有百千衆。亦不能動。
時衆共集焚香。白曰。請師下本座。我
等欲闍維。願師大慈。故令我得舍利。

繞稽衆首而共向前忽然自倒如五
大山崩地皆震動尔時大衆用已香
薪而共闍維闍維既畢收得舍利起
宰堵波共其供養時時瞻覲時當後
漢第二主明帝十六年甲戌之歲入
沮縣也

第三祖婆修盤頭章舉太子品第三五
尔時婆修盤頭者羅閱城人也姓毗

舍佉父名光蓋母字嚴一家有財寶
供給四方唯無其子光蓋曰我無子
嗣當何求之嚴一日於彼城北有一
佛廟共至所求必應得之是時光蓋
而共嚴一至彼塔所合掌禮敬散諸
花香徧於佛上又致供養而細嚴飾
咸共尊仰而啓其願曰我於世尊所

而欲乞一子願尊大慈故不違我等
願是時願已却至本舍於一夜中夢
見二珠一珠光明而能徹耀又一珠
故亦有光明其光如電有無不定前
一珠者光明照耀亦不歇滅食二珠
已尋即夢覺身軀悅澤無諸苦惱懷
至七日當有一僧名曰賢衆至於門
首而問之曰我行四國土尋光至於

此汝彼是誰舍當生一賢子
余時光蓋長者聞是語已
即出逢迎彼師見已心即
歡喜余時嚴一亦出禮拜
賢衆見禮不敢當次云禮
佛自禮法身福智尊者
余時光蓋作是思惟此僧
非聖當鄙凡者我是丈夫
禮却不起彼女人敬心即
恐悚余時光蓋却歸房
室取一寶珠奉上賢衆以
試其心又

更作禮。尔時賢衆端然不動亦不止。
過受其寶已去。汝好在。令更作禮。光
蓋致禮。近將百拜。既見不止。心自停
息。猶不會意。去我見尊者受我寶珠。
心即歡喜。復見尊者不受女人拜敬。
心自恐悚。不敢安座。其事去。何請爲。
宜說。賢衆曰。汝不問我。我即不說。受

汝拜者汝是凡夫有少福德合遇於
我我受汝珠以用資福當生之中而
獲財利不令欠我受汝拜資得當生
和合眷屬不令返逆彼女人者身懷
菩薩是取上乘不久當世化度無量
三昧果中亦得取上而當十五即應
出家次遇毗婆訶薩而得受戒從此
去已常行苦行日食一中此國名曰

徧行頭陀亦曰婆修盤頭當度賢者
如我等輩約旃伽沙所以見者不敢
輕慢非貴女人而致於此光蓋曰善
哉大士而有他心於此三世悉能覩
見讚禮而已深生敬重自責輕慢至
悔前預而知其本又賢告曰汝有二
子一者上說更不再言其第二者名
曰芻尼芻尼者梵言也此曰野鵲此

子者於先世時世尊入定在於雪山
彼子爲鵲泊於佛首又作一巢時來
時去世尊成道彼鵲爲近佛故而獲
此報世尊出世天龍八部游那提國
彼國王者是此子也世尊至彼王即
出迎瞻奉隨從請尊至殿而設供養
欲問往事以何因緣我名芻尼尔此

過去經多少歲而親智者願尊慈造
爲我解說今時世尊告芻尼王曰汝
先世中曾作野鵲吾入定時汝於吾
頂置一鳥巢或來或去已經六載吾
已成佛汝作其王爲近我故而獲此
利於後五世悉名芻尼吾滅度後二
五百末當生羅閱城中毗舍佉家得
與聖者婆修盤頭同處一胎而出于

世此婆修盤頭者是賢却祖次二十
一其師之後當出弟子有大神力十
那羅延一切諸衆悉不能及以此力
故號大力尊今時尉尼王聞佛所說
先世爲鵲心即驚悟以其瓔珞用嚴
一蓋共成奉上世尊伏賀先世願尊
慈造當爲領納今時世尊作少神力
即用此蓋而處其頂尊又告曰汝後

五世中爲遇此菩薩當獲大神力而
生忉利天今時芻尼王聞佛說已心
即歡喜合掌尊前以偈讚曰與聖同
處胎當於第五世爲遇婆娑修故而得
生忉利我昔爲野鵲在尊頂上止奉
此七寶蓋以答先世耳今時婆娑修盤
頭年當十五遇一尊者名曰光度而

與出家後逢毗婆訶薩而與受戒至
行頭陀心不退轉縱遇諸境生滅不
起猶若須彌八風共吹至無量劫悉
不能動今時闇夜多知此婆修盤頭
是其法器雖遭逆語心不動搖轉生
敬重意如大海當付法偈而受教詔
即往他土而行化之至那提國之南
有其大象頻下損物人不敢敲自三

十年來其象不下一國人民皆得快
活心不憂懼亦不損耗彼由何故凡
不可知願遇聖者而爲我說彼城之
衆咸悉安樂無有患故不作惡夢彼
國有王名常自在有二太子一名摩
訶羅二名摩拏羅此初太子年已四
十其第二者年已三十常得安樂不
被諸境之所惑亂每至園觀心自念

言聖者合至何當晚乎尔時婆娑修盤
頭至此國已大作佛事廣為說法化
諸道衆皆蒙獲益時彼王者忽聞此
師即令使者而請供養尔時婆娑修盤
頭至王宮殿王即禮敬心生瞻慕即
命二子令致敬師用資福業王白師
曰師在他國見彼人衆得似此不婆

修盤頭曰諸國土中業感不等爲取
何國而況此之王曰師羅閱城何如此
土師曰彼國曾有三佛出世此土即
有二師化導以其父子而況得之王
曰今此國中未有佛出大衆安樂猶
何善耶王曰若佛出世王非在此承
此二師故有此善瑞王曰二師者誰師
曰佛記云吾滅度後二五百末那提

國王刹利多滿名常自在生二太子
其第二者有大神力一切諸衆悉不
敢敵其力一舉昇十那羅延八地四
衆悉不能及從此因故號摩拏羅王
今太子即當其事王曰其次者誰師
曰吾亦預此王即致敬心生歡喜未至
食頃有一使者奏曰象兵百萬至于
南面欲近城門漸漸而進王曰此事

非小如何抵敵師曰不用軍衆亦不
須刃令此太子輕喝一聲悉不能動
何用憂慮王曰得不師曰今此太子
非百萬衆更有十倍亦不可敵王即
命太子令至城南衆兵漸至彊過百
萬余時太子即舉右手拍其腹上而
喝一聲其那提國中所有宮殿及諸

舍屋悉皆振動象兵百萬悉在于地
不復更起。爾時大王見子勝已深生
敬伏不敢輕慢而禮尊者曰我此子
者佛已授記生于此國爲大沙門而
有其力昇十那羅延伏願尊者而與
出家依佛記故勿令違犯尊者曰今此
太子非我出家復至他日無人度者。尔
時尊者婆修盤頭即就王宮命語聖

衆而與太子出家受戒。今時太子得度脫已。心生恭敬。即於尊前。以偈讚曰。爲摧百萬衆。鼓腹作神通。一切諸宮殿。無不振動者。遇師方便力。而得度脫。我稽首辭父母。而出於愛火。今時尊者。即領太子摩拏。比丘衆落行化。乃告王曰。我爲此太子。而至于那提。今已得解脫。宜令化導之。今時那提

國王常自在等與諸眷屬共送此子
而至分首隨緣往所是時婆修盤頭
在彼國中游行教化建勝法幢辯才
無礙摧諸邪見而歸降伏隨彼化導
百千萬衆悉得度脫而證聖果乃命
弟子摩拏羅曰如來以大法眼付囑
迦葉如是展轉乃至於我我今將此

正法眼藏付囑於汝汝受吾教聽吾
偈言泡幻同無礙如何不了悟達法在
其中非今亦非古今時摩拏羅聞說
法偈心即歡喜而生恭敬頂戴奉行
時婆修盤頭付法已竟即於座上高
半由旬其身在空中亦不神變凝然而
住今時大衆咸共合掌而啓告曰至尊
大慈故令我得舍利莫現是神變願

師歸本止時諸大衆作是語已蹶然
從空却還本座便焚舍利起塔供養
時當此土後漢第五主殤帝九年丁
巳之歲入涅槃也

第三十二祖摩拏羅者那提國人也姓刹利

今時摩拏羅者那提國人也姓刹利
帝亦名大力尊有云摩奴羅者此非
理也昔在國時身為太子父名多滿

亦名常自在佛記云吾滅度後二五
百末那提國王刹利多滿亦名常自
在生二太子其第二者有大神力一
切諸衆悉不敢敵其力一舉昇十那
羅延八地四衆悉不能及從此因故
號摩拏羅佛已授記其實如之今時
婆娑盤頭者得五神通及八解脫隨

彼國王而行化之以大福力多所饒益
次至一國土名曰那提彼國剎利王
而生二太子其次第二者而有大威
力彼國多象衆而頻侵聚落自生太
子來其象並不國土無衰惱以經三
十年尊者婆安修至化導無量衆受王
請供養到彼宮殿已命出二太子令
禮婆安修尊者欲求於福報今時大王問尊

者曰師在他土見彼人衆得似此不尔時
婆修盤頭對曰諸國土中業感不等爲
取何國而況此之王曰師羅閱城何如
此土師曰彼國曾有三佛出世此土
即有二師化導以其父子而況得之
王曰今此國中未有佛出大衆安樂由
何善耶師曰若佛出世王非在此承二
師故有此善瑞王曰二師者誰師曰第

一者是吾第二者太子此國無患得
三十年今此太子亦年三十此事現
在非無信耶師曰此太子者身有大
力能摧諸魔心有智力能伏生死王
曰如何得知師曰不久之須當有一信
從南而來以此事故而顯太子師與
王語言猶未畢忽見一人而至殿前

奏曰今此城南有百萬象兵而入國
界王聞此事心生憂惱以何兵衆而
戰得勝尊者曰今此事者而亦易爲
王有太子其力難比令此太子而敵得
之王曰此事非小如何抵敵師曰不
用軍衆亦不須刃惟此太子輕喝一
聲悉不能動何懷憂慮王曰得不師
曰今此太子非百萬象更有十倍亦

不怯弱王曰令命太子戰彼象兵尔
時太子奉王勅詔命戰象兵即至城
南端然而立其象兵衆漸漸而進尔
時太子即已右手拍其腹上此象衆
等悉皆崩倒更不復起試喝一聲六
返振動父王見已深自歎訝此子出
世非我等輩佛已授記云生彼國因
師證故而得知之又曰我有二子其

一敢異若紹我位必應勝之師曰此
子在舍非登此位若作主者爲銀輪
王王三天下非此小國而及用之又
曰若出家時定作法祖而繼於我化
導九衆尔時大王見子勝已深生敬
伏不敢輕慢而禮尊者曰我此太子
佛已授記生于此國爲大沙門而有

其力昇十那羅延伏願尊者而與出
家依佛語故勿令違負尊者曰今此
太子非我出家復至他日無能度者
今時尊者即就王舍而與出家又命
聖衆并受具戒今時摩拏羅得度脫
已心生歡喜瞻仰尊者顏目不暫捨
今時婆修盤頭即領摩拏羅欲化道衆
故辭王曰我欲化導衆隨所諸聚落

願捨摩拏羅而隨於我去王曰師與
出家竟即是師弟子非我等拘束聽
從隨師化度今時婆修盤頭當行化
時度諸有衆而滿三萬得聖果者近
自五千而化度已告摩拏羅曰如來
以大法眼付囑迦葉如是展轉乃至
于我我持此法付囑於汝汝可流布
無令斷絕并傳法偈具在前文而不

再說婆修示化終于本緣余時摩拏
羅得付法已心得自在隨化他土拔
諸有衆而為說法次第游行至于一
國名西印度彼國國王於宮苑中常
自行道名曰得度姓于瞿曇手執金
蓮如供養佛於苑空地并自閑靜唯
置一爐常焚寶香而呪願曰願我遇

聖而得了知前後際中一切諸境王
發願已而又行道如是行道經于七
年當於行處而現一塔亦不高廣至
甚低小從座至頂一尺四寸其色青
黑四面有相各自而異前一面者有
尸毗王割股救鵠又充一面者有其
薩埵投于險崖復右面上有月光王
而捨寶首當後一面有慈力王刺身

千燈尔時大王行道已竟忽見一塔
至是低小極而高廣未過二尺以手
欲捧都不能動又令淨者而有二人
共舉此塔亦不能動又命五人依前
所舉亦不能動尔時大王既見如此
廣命多衆可滿一百悉有其力共舉
此塔亦不能動尔時大王當自念言
此塔至小亦不連地何故多衆悉不

能動王就塔所而致供養焚香散花
徧滿其處即命國內諸有智者咸共詳
察今時摩拏羅尊者在此會中亦不
先說讓諸智者而爲其首一會大眾而
有五百王致供養而設衆僧彼國僧衆
多修梵行復有一衆而修禪觀自有一
等而善術誓言彼三衆等悉赴王會時

衆食已王白前事問諸智者今此苑
中我常行道於此淨地而湧一塔未
至高廣人不能動我欲將彼就此宮
殿置於高處而供養之一衆智者誰
能爲我移得此塔就其宮殿是時會
中有一智者善明呪誓白大王曰我
當移得王曰便請尊者今時術師即
於王舍請一大物衆不能舉我且試之

然移此塔王曰我有殿前銀山高廣極重今此力士非論一百二百三四五百悉不能出此山入地深至水際昔時鑄作將鎮此殿師有力故一任出之介時術者即作其法以手結印用按于地即舉左手而曲其肱高聲喝咄未至食頃其山漸動舉衆皆見颯然而出三衆歡喜無不欣訝王見是已其心

豁然讚言善哉壯哉其力如此何憂移
塔尔時術師即至塔所見塔佷小心不
敬重又曰此是小小何足其力王曰便
命術者而爲移塔尔時術師即就塔
邊以手欲舉其塔安然都不能動術
師却後七步便作前法先喝一聲牙
齒憤落其術師自不覺知又喝一聲

眉毛亦落其此術者上未覺知又喝一聲其鼻崩倒時諸大眾喚言且住術師即走東西南北又不遠去只在衆前大眾又喚術師術師且來此座何用亂走術師叫曰諸人等復在何處而不出來救我之命三衆共起向前捉之悉捉不住尔時大王旣見是已即命五百力士令捉術師如捉得住當厚與賞是

時力士同共向前便擬把捉悉被衝到
亦不可近其身如鐵把亦不住今時大
王告大衆曰今此衆中誰能誠此我見
此事何由可當雖有身力亦不敢爲
是彼自顛倒爲是聖者所作爲是法
合如此爲是自失心力彼衆之中誰有
諳者當爲我誠令免任亂我所敬信
亦不害此當願依舊如前無異

寶林傳卷第四

第三十張

祭字

寶林傳卷第四

止三物
曰若人

(以上缺一紙)

脫皆爲此

(兩行下原殘)

具七事者前際後際悉能

矢

劫中亦如眼見他心宿命從此而通
八解三明皆因始發欲近佛地方獲
菩提踏著六通便成羅漢是時王聞
深生信重問尊者曰師久修行善知
宿命又知奇事明前前後際未審此塔

當是何佛我欲知識今請尊者而爲
說之尊者曰今此一會衆賢非一願
王見念當迴問彼今時大王即從座
起整頓衣服而請諸衆曰願諸衆等
哀念我等有他心者而知昔事今此塔
者當是何佛是何弟子而造此塔爲
是何物之所成就伏願衆聖而爲解說
今時大衆一時起立合掌白王我等三

衆非見彼事願王迴信當請摩拏尊者
者必當爲說又此摩拏尊者昔爲太
子時能戰百萬衆佛已曾記之次當
二十二想此往勝事今覩非凡者願善
哀請故而當說之今時大王却至尊
所而白前事具如上陳時摩拏羅曰
此衆諸聖咸悉知之故讓於我而今
爲說又曰今此塔者是我本師釋迦

如來七寶舍利塔也何以故今時如
來在王舍城東游行教化之次時有
一童子年已七歲名曰舍耶是時童
子在河弄沙見世尊過手執金鉢入
王舍城時此童子即以此沙如其餅
想將奉世尊今時世尊以鉢受之為
尊感故化為金粟將供一衆而悉充

足爲獲此報而作輪王化一天下能使
鬼衆悉伏宗仰即時童子身爲輪王
心多暴燥虐損殘劣少少信故違犯
多殺自此童子生於宮時有一大樹
其葉鮮澤婆娑陰茂上有其子時放
光明人至於下心即安樂其樹初生
時與此太子同時而出太子登位年
已四十時與音樂一切御衆每至於

樹在此樹下王即安樂若離此樹心
不悅澤其本性中常好飲酒一度酒
醉常損御衆三十五十所有行事皆
背天地又作大地獄一十八所還像
陰道如是行法乖治國土又於一日
領諸嬪妃一千餘衆同至樹下以酒
歡樂直至過度王便寢卧未至須臾
有大風至王亦不知其風損樹花果

墜地良久之頃其風靜已王便睡覺
酒醉作怒云我暫睡便損其樹此過
難捨而當殺之如是損衆又經千百
前後共損不知其數彼鐵輪國亦有
一僧名曰耶舍亦是菩薩而有六通
王雖知有不至深信又有一僧名曰
海意見王損衆而滿八萬海意念曰

今此王者前世舍耶遇我世尊而施沙故因此果報而獲王身若不救之當墮蠅虵無有出期又曰此八萬衆而復枉死悉未得生爲王福威不可取之更待三白當必死矣尔時海意即作神通入彼地獄法者曰沙門何故而至於此海意曰我欲入鑊湯如何庇護法者曰此鑊湯中而無冷處

幸不入得尊者曰我有少病而欲入
之法者曰此湯若入骨肉俱盡斷其
根本非除病也尊者曰我爲無明顛
倒皆由此病若得除本何由可論又
曰我爲枉殺一切衆生今當合償前
後計衆近有八萬爲飲酒故而悞殺
之當獲是報皆是我過非因汝事而
但放我令入鑊湯若得盡我惡業汝

亦利故法者曰我損於師天之不祐
爲無罪故非是過者若欲入鑊待我
秦王取王進止尊者曰然法者修表
以說前事奏上大王王聞大怒此妙
門者當識於我我不誅之受彼鈍故
即令處置何在於晚尔時法者而奉
敕旨依法處置令入鑊湯尔時海意

被拋鑊中其沸波湧不可近處。爾時海意從鑊中心涌出蓮花高七多羅樹端然處座亦不損。故法者奏曰奉敕處置比丘海意拋在鑊中都無有損。又乘一花從鑊而舉高七多羅樹端然不動。見在法所伏聽。敕裁。爾時大王聞說前事。即與御衆同往觀之。纔至彼所。王一見已便致禮。信廣發。

大願而懺謝之。尔時海意便被王請
與耶舍比丘同止一寺。時時禮覲而
問之曰：我昔作罪多，不知數。二尊方
便令我懺悔。又耶舍曰：王昔所損，近
八萬衆，宜可廣作諸大佛事，方得勉
之。若不如是，當作蠅蛆，不可得度。尔
時大王告海意曰：我有一樹，與我同
生，其葉潤澤，亦有其子。子有光明，

每至此樹心即安隱故乃名之阿育
之樹我為此樹忽爾凋殘醉悞損從
亦有數千今遇尊者如何拔濟我所
力及悉不惜之尔時海意告王曰王
欲殄累無過造佛寶塔而用嚴飾散
于他土彼國見之當生希有而資後
福今亦有益王曰何物所造復高多

少并是幾所又安何處海意告曰宜
造八萬四千所用以七寶五寶爲料
二寶銷鑄以爲一摸高一尺四寸若
此塔成其罪消滅當於後世又生梵
天非處於此今時大王因樹立名爲
阿育阿育王者此土譯云無憂王也
今時無憂王聞師所說心生歡喜悔
改前行即敕鬼衆并及御者而索七

寶便造此塔每一塔中置一垂鍾盛
佛舍利四面無門唯有四相如上已
說更不再舉王置功勳衆共辨彼不
久一自當得畢功尔時大王白耶舍
曰此塔已成就畢當有八萬四千所
伏願二尊指示於我當安何處尔時
海意又告王曰其塔既成請取鬼衆
八萬四千各持一塔而候耶舍尊者

而作神通其光盡處當下一塔其所
下處皆是諸佛入滅處菩薩化度處
羅漢神通處導師三昧處聖賢證果
處修習禪定處此六上妙地而可安
此塔尔時阿育王即敕鬼衆八萬四
千至於會所各持一塔而候尊止尔
時耶舍比丘即從座起用其左手五

指甲內忽放光明照曜天地其光道
數八萬四千八方輝赫如日無異尔
時摩拏羅告王得度日今此苑中於
先世中曾有一僧名波羅迦於此證
果後遷宮殿方飾于此今現此塔是
其一數昔時育王所制也

摩拏羅印國土章指泉示化品第二十八
尔時西印度國王得度聞摩拏羅而

說昔事心自歎言即日時中虛度多
世如盲摸象非辯處所我今有者咸
悉昔福非是今日而能建立我此身
者猶如夢幻終不堅實今遇尊者須
投告之令此身心速寤先世所有業
累當自殄滅即命太子冊立爲王而
付國位致一大會廣施幡蓋多設寶
座而命衆聖咸登此會王供養已便

投出家今時摩拏尊者即與出家出家既已取一金鑪焚香告白云西印度天子得度投佛出家願尊憶持令至道果今時空中而有聲曰汝度此王當不憂慮却後七日而獲羅漢師聞是說衆亦歡喜是時衆僧守王七日觀成證道當第七日有大風雨不

令雜衆在王宮室所有雜衆悉自不
住直至午時王在道場合掌端座須
臾之頃猶如夢中又自坐睡夢見一
人手長萬丈身處于座其座亦高垂
手執果當令食之既夢食畢地大振
動王即座覺心如日月覩見他國舉
身輕利不似昨日信禮諸佛深自幸
故得遇其事當何如之王出家已得

證道果獲阿羅漢得六神通即作神通而入三昧離彼宮殿別處幽閑即與尊者而共持論曰故知我昔未得證果時唯有彼國不知諸佛國土有若干種今此寤後却返觀彼至是微劣最小一國又曰其人未證果唯見彼及處今日證果後如日虛空住又人未寤時猶如一小蟻唯知窠穴測

更不知他土不信有諸邑唯人所到
處其蟻未曾至悉言彼非有蟻中修
行者後得爲其人能見諸聚落亦復
能往返此人行百里更遠不能至猶
於果位中聲聞小通者爲有胥脚疾
遠行不能及聲聞多疑礙不得至菩
提又有不能行人心亦不怯弱游諸

國土中已經千萬里若約於蟻衆如
我得神通我雖說向彼彼亦如夢中
衆生不信佛不知有佛國亦不信賢
聖如彼人世蟻蟻即遠不知其人悉
能到我今得神通佛土亦知悉一切
十方土無有不達者我今對人況猶
彼蟻中人我化諸有衆說向我證果
以游諸國土後衆心不信亦不入彼

意引此前事況猶若人中蟻又曰我
觀此南閩浮提如一食盤於其中間
數有八萬上中下等各有多少其上
國者而有一萬中國者而有二萬下
國者而有五萬此三等者大編其數
於上國中自有三等於中國中亦有
三等下國中亦有三等如九品法隨
已修行盡得生彼今時摩拏羅告得

度曰我欲化導至于他國有一智者
欲出于世得度曰尊者神力能應十
方此作神通何假就彼今時摩拏羅
即以金鑪焚其寶香乃告月氏國鸛
勒那曰汝在彼國能化鸛衆道果當
至汝知之乎今時鸛勒那比丘在月氏
國於一林中常念大品彼國國王名

日寶印常供養此鸛勒那比丘此尊者常住此林經于九百常感鸛衆銜花獻之彼王請出此林而命宮中供養今時尊者即順王意隨至宮殿座猶未久有一道香煙至于尊前鸛勒那謂王曰今此香至王可識不王曰此香是天信不鸛勒曰不是天信王曰是何香故而至于此鸛勒曰是西印

度摩拏羅尊者信至于此王曰此師
者當是何人鵲勒曰是那提國王之
子身有大力過去劫中曾遇娑羅
樹王佛而與授記汝於賢劫之中當
得爲祖道等化無量次二十二王宜面
西而作頂禮尔時大王合掌遙禮是
時鵲勒即從座起整頓衣服面西而
作禮尔時摩拏羅尊者與得度羅漢

言說法要之次忽然以手點地三下
得度羅漢曰何以摩拏羅曰此是鸛
勒望此作禮我以手按地而用荅之
告羅漢曰我欲往彼而化導故此者
得通而繼於我今時尊者即作神通
往于月氏是時鸛勒告寶印王曰師
欲來也宜當迎之今時大王即嚴四

兵而近千數又以象輦莊嚴一座王
與鸛勒俱乘一象同至西來未至于
速當逢尊者同歸宮殿二俱禮信深
共瞻仰亦時鸛勒有一弟子名曰龍
子年二十二才名奇特師欲觀彼作
何智慧而足聽辯纔入定中悉不觀
見不能辯了亦時鸛勒即問尊者此
子先世曾爲何業於此今世而有智慧

我昔曾觀都不了見未明此子是何
因緣今時摩拏羅問鵲勒曰汝入定
時觀于此世當得幾劫鵲勒曰我入
於定當觀三世摩拏羅告曰此龍子
者非在三世之內而修功德鵲勒曰
於何世中摩拏羅曰此龍子者於第
五滅劫中而於妙喜國土生婆羅門
家有一伽藍新鑄一鍾可重一萬彼

子長大善採栴檀見鍾旣成而奉一
椴以充搗擊而施鍾者已獲菩提於
三世彼子施椴感於因緣聰明獲於
五劫非是三世之內而能辯之今時鸛
勒聞辯其事心生信慕而欲奉延依
從事之問尊者摩拏羅曰我於昔劫
曾在何土以何因緣而感鸛故我久

觀察亦不明了伏願尊者爲我說此
因緣而今得知今時摩拏羅告鸛勒
曰汝先世第四劫中曾爲比丘有大福
德心通至理廣演言教化度一切雖
神通故而無宿命每將弟子一百二
百常受供養今時大海有一龍王請
汝供養汝作神力獨自往彼今時弟子
各自念言其師往彼何當不歸汝在

龍宮亦知弟子思念即於龍宮受供
養已却作神通至于本座時諸弟子
忽然見師却歸本座諸弟子曰師前
往何所又至誰舍未至須臾還來本
位師曰我至龍宮當受供養諸弟子
曰師當後去我亦隨彼尔時龍王復
命尊者時諸弟子欲擬隨往師曰今
此齋者非汝所食諸弟子等第相謂

曰師常說法於食若等於法亦等云
何獨往而彼食之今時尊者却歸本
座便入禪定觀諸弟子有大福德消
彼龍宮供養得不於彼定中無有一
人可消此食師出定已默然不說又
於一日龍王自來至師座前復請供
養時諸弟子便欲隨往師曰汝等諸

人不用隨我我念汝故故不將汝諸弟子
子曰師不念我我不隨師師既念我
我即合去今時尊者即領弟子同赴此
會餅食充足亦無諸患此諸弟子雖
無諸患爲師蔭故當獲如是師後滅
度已當生諸國隨所福業而生勝處
其諸弟子爲受此食經于五劫不得
爲人常生鳥中今此迦受當作此鶴共

會一林師巡勝處合生此土月氏之國
婆羅門家而處此土常念大品人禽
雖異各處一途爲昔業故而當再會
尔時鶴勒聞師說已殷重恭信心生悚
慄乃告尊者曰我修何法當令鶴衆
而得成人摩拏羅曰我有無上法寶
是如來藏尔時世尊付于迦葉如是
展轉乃至于是我今將此正法眼藏

付囑於汝汝當守護無令斷絕彼衆
因汝悉得解脫汝受吾教而說偈言心
逐萬境轉轉處實能幽隨流認得性
無喜復無憂是時鵲勒聞師法偈踊
躍歡喜作禮圍繞頂戴奉持尔時摩
拏羅付法已竟即從座起涌身虛空
作十八變訖却歸本座以手指地化

爲一泉而說偈曰心地清淨泉能潤於
一切從地而涌出徧滿十方濟說此偈
已寂然不動今時大衆號慟攀戀共
焚舍利起塔供養時當此土後漢第
十主桓帝十八年乙巳之歲入涅槃也
第二十三祖鸛勒尊者章辯難氣品第二十九
今時鸛勒尊者月氏國人也姓婆羅
門父名千勝母號金光今時千勝長者

在于彼國多有財帛其富無量雖有
財寶而無子息彼國之中有一金幢
所有人衆心有求者悉皆得遂幢上
有字以銀作之名爲七佛真幢彼千
勝長者爲無男女至于此幢而設供
養乃稽首曰稽首七佛師我今求因
緣爲無子息故從尊巧一子尔時千
勝長者願是事已却歸本舍謂金光

雙峯山曹侯溪寶林傳卷第五

曰我於勝幢處供養七佛已發其一
大願求丐一子息此母聞其事即以
金鑪而焚寶香至心虔重忽於夜後
子時夢見須彌山上有一童子手持
玉環告金光曰我來也其母夢已當
告千勝曰我於昨夜子時夢見須彌
山上有一童子手持玉環云我來也

其父聞說心即歡喜告金光曰其夢甚善必當有子從此夢已身體安樂無諸衰患其家清淨人悉好善往來比丘時時至舍忽於一日有一三藏來至此舍是時金光头面作禮時三藏告曰汝善保護勿令此子而有觸汙金光曰我自懷來近經十月一身清淨合舍亦然金光又問三藏曰此子生後

有少福德不三藏曰此子福德不同
俗世多有財寶佛已授記爲大祖師
當度千衆演無上法利益七世得五
通果而具三明及八解脫此子先世第
四劫中曾於龍宮廣開法藏當須善
育而自保愛尔時金光十月滿足當
誕其子於此日中天花自落地現金
錢漏覆于路彼國使者聞奏於王王

自至彼觀其異瑞天花地錢王曰我
借此子將至宮內父母奉敕不敢違
製令時大王將入宮內與諸采女令
信養之時諸采女有百千衆彼此爭
覓各欲養之其子分身徧百千女令
時大王忽覓此子其諸采女有百千
人各執一子而奉上王王曰我只一

子何有多許采女具白一一前說王
曰此諸子等都有百千我將來者爲
復何是諸采女等各言此是今時童
子化身徧宮延有百千本來身者而
歸父舍今時大王即啓告曰我今無太
子欲收於汝故今現多身者令我心
不定汝有神通故當現却變化汝無神
通者常作宮千子今時大王言猶未

訖百千采女各於懷中所抱子處放
其光明有百千道瞥然不見更無一
子唯有真者在父母處而自安養年
至七歲獨往諸處彼國有鬼號曰拘
羅每有人衆共相祭祀時彼童子而
至此處其鬼真影悉自崩倒每自歎
曰三界微薄多有邪鬼不遇一人而會
正法如是長大年二十二遇一尊者

而與出家又於羅漢山受戒此師唯
教念大品經如是念經至三十年當遇
摩拏尊者有信香煙而至月氏此縣
致禮彼按于地彼欲降至此自覺知
共王計會而往迎奉并問先世而悉
了知致信為師近侍接足得付法已獲
五神通游化他國至于剎名中印度

彼國有王名無畏海深信三寶而樂
說法欲識往事常靜思念鵲勒欲至彼
國王作一夢夢見日出照我身心於此
夢覺命大目至而說此夢大目曰王
此夢者必有聖賢不久入國今時大王
即敕諸門有聖者來當須奏報今時
鵲勒尊者與諸大眾同入此國彼城
門者而當告奏王聞是已即出四兵嚴

諸衆輦如法奉迎至于殿所瞻仰作禮
深自信慕尔時鸛勒尊者坐猶未久有
二人至禮拜尊者卓然而立一人著緋
一人者白尔時無畏大王心自念言此
二何人不信於我尔時鸛勒尊者知
王舉意怪此二人乃告大王曰識此二
人不王曰未省師曰此是日月天子
致信於我王曰云何識知師曰我於

昔劫曾生於彼而爲說法當因我度
生於日月之宮尊者言訖忽然不見
唯聞異香徧于國土王問師曰今此
日月約有幾許所生國土合有多少
師曰似此日月約有三千如彼國土
近有八萬王曰此諸國土爲復一時
爲復先後師曰於此數內而有三等

隨劫前後王曰此之三等復名之何
師曰名之六冥而有先後六冥者上
氣貫下下氣昇上四維交合名之六
冥六冥之中而有三等何等為三大劫
之初四禪下降而為田主亦曰大人
而姓利利日月天子而興光明此為最
初名之大劫其數國土前後有者共
計八萬四千用為正數始分三等有

一處所上下四維其氣交貫唯四禪
天獨能覩見同地諸界悉不知及亦
不聞說何以故雖從天降而生剎利爲
墮凡故而闕他心除此天見復有聖者
羅漢而生人中爲化衆生者亦能知
之六冥世界六冥三等一等六冥命
壽千萬一等六冥命壽百萬一等六
冥命壽十萬上壽千萬歲者其形神

頭龍身至於滅數其形漸好亦有男
女當後資威中百萬歲者其形龍頭
人身至於滅數其形漸好亦有男女
漸漸資繼下十萬歲者其形人頭蛇
身至於滅數其形漸好滋茂繼續儒
童菩薩亦能辯此迦葉菩薩故以知
之釋迦如來無不見耳唯我小通悉

不遠見一城芥子未捻一顆余時無
畏大王聞師所說心開意解深知世
界而有無量凡夫見淺悉不識知將
謂此國諸所不及余時鶴勒尊者即
辭出宮而欲往化王曰尊者時降不
為厭離尊者曰我受王施當答之是
時尊者隨所行化有一弟子名龍子
其此弟子兄弟二人兄名師子其次

龍子事於尊者經于七年至二十四
身已滅度乃告彼舍父母而令知委
余時父母并與師子比丘同至師所
欲舉此弟將歸舍宅而安殯之衆共
昇舉悉不可動乃白尊者曰此子既
亡我不能舉爲是何故當因致此介
時尊者告師子比丘曰此非我咎當
因汝焉師子曰我有何故當不了知

請師爲說鶴勒告師子曰汝弟去後
經于二年汝事婆羅門常學修定忽
於夜靜心念龍子欲造功德汝師善型
型得一佛爲汝弟故汝未莊嚴便經
暗昧汝棄此像在於地下別置新者
安乎座上汝今歸去收取地像安于
座上其弟必舉更無再三介時師子

比丘歸至舍所收得地像歸于座上
即焚其香廣發其願禮信懺悔從此
而已却來師所共取其弟更不難舉
當時歸舍而安葬畢尔時師子彼師
亦亡心樂尊者來師鵲勒年二十五
福德深遠才明絕世遇於尊者禮事
為師而問之曰我欲求道當何用心鵲
勒曰汝若求道無所用心師子曰既

無用心爭作佛事。鶴勒曰：汝若有用，即非功德。汝若無作，即是佛事。何以故？經云：我所作功德而無我所作。今時師子比丘聞師說法，心開意朗，作禮圍繞，却住一面。是時會中有一比丘，即從座起，合掌恭信，問鶴勒尊者：師既無我所勤，久修功德而獲於宿命，合知我等衆有無諸福業。師舉

右手指於東北告大衆曰見此氣不
大衆曰不見師曰此是麀相尚由不
見何況微細功德欲知他心宿命時
師子比丘白師曰衆雖不見我適覩
及師曰汝言覩見試說其相令吾知
悉師子曰今此氣者其色如雪卓然
上下而貫天地復有一氣其色如墨

有其五道橫通前氣如忉利梯師曰
汝識此氣知于首事及未來應不師
子曰我見此氣唯覩現在未來昔事
不能知悉尊者慈造爲我解說師曰
吾滅度後五十年末此北天竺國而
有其難我今不說汝當後知今時師
子比丘當自念言我師大惠深達其
事非我所及而不說之乃告師曰欲

詣諸方而徧參覲願師慈造當賜我
去鶴勒謂曰吾今年邁欲入涅槃擬
持此法將付於汝汝有深達當赴我
意又告曰如來以大法眼付囑迦葉
如是展轉乃至於我我今將此正法
眼藏付囑於汝汝善護持外方行化
國當有難形在汝身早須付授無令
斷滅汝受吾教聽吾偈言認得心性

時可說不思議了了無可得得時不
說知今時師子聞說法偈深生信重
而受教誨又問師曰我有何難復是
何業而致形害尊者語曰汝於先世
第五劫中作一白衣身多學業無不
解者汝於佛法亦少存意於諸學衆
皆得第一心常得便亦不疏失有二

白衣好設無遮大齋示明佛法常修
善業汝赴此會喫此無遮心復輕倨
不有彼士汝便致問彼士酬荅皆論
佛事不失聖意汝即橫難多有疏失
不自思惟心有憤怒汝令隨侍之者
執其毒藥損此齋首唯此一事而未
還之探受福報經于四劫今世相逢
定是還矣尔時師子比丘依師言教

頂戴奉持是時鵲勒尊者付法已
竟即從座起涌身虛空作十八變已
却歸本座寂然滅度尔時大衆欲分
舍利各自起塔臨闍維訖擬分舍利
尔時鵲勒尊者現身說偈曰一法一
切法一切一法攝吾身非有無何分
一切塔時衆聞偈更不敢分即於本
處起塔供養時當後漢第十二主獻

寶林傳卷五

第二十三卷 六字只

帝十九年己丑之歲入涅槃也

第三十四祖師子比丘章辯珠品第三十

五明大集

尔時師子比丘者中印度人也姓婆
羅門自小聰辯多有智慧於彼國土
有一婆羅門僧而為度脫少習禪定
常好安靜兄弟二人悉入佛道其弟
龍子尊先事鸛勒尊者得于七年彼

尊者從月氏國往其中印度其弟亦
至纔到本國其弟已化昔師子尊思
念此弟爲型一佛未得莊嚴經于暗
昧棄于在地別置新者後弟終沒取
其靈骸重如山岳悉不能動即白鶴
勒尊者而問此事師即爲說具在前
文即舉其弟悉不爲重將歸本舍而
安葬之今時師子師已已歿遂至尊

處依止禮拜而問學道當何用心鶴
勒曰汝若求道無所用心師子比丘曰
既無用心爭作佛事鶴勒曰汝若用
心即非功德汝若無作即是佛事何
以故經云我所作功德而無我所作
又告師子比丘曰如來以大法眼付囑
迦葉如是展轉乃至於我我今將此
正法眼藏付囑於汝汝當護慎無令

斷滅汝若外方行化國當有難形在
於汝早須付授勿令斷絕尔時師子
尊者受鸛勒言教戴奉依命而自重
信是時師子比丘得付法已身心安
樂隨所教化至于罽賓彼國之中有
一僧塔常多供養此塔中僧名波梨
迦先在世時有大福德智慧深遠常

習小觀而學禪定善巧通達辯才無礙雖是一法而出五衆有學禪定有學知見有學執相有學捨相有學不語此五衆中各依本學皆得其意余時師子比丘至彼國中與此五衆而共持論先與持不語衆而爲說佛眞教演波羅蜜誰教不語而禁佛耶又爲捨相者曰佛說威儀具足梵行清白

何於此相而爲捨耶又謂執相者曰佛
土清淨自在無著何於執相而定得
耶又謂知見者曰諸佛知見無所得故
此法微妙覺聞不及無爲無相何知見
耶尔時四衆悉被徵責皆悉杜嘿猶
有一衆多習禪定彼衆之中而有一
師名達磨達久近尊者波梨迦師深
達實相樂學禪定聞此四衆悉被徵

責而故來此欲難師子比丘今時師
子亦見來已謂曰仁者習定何當來
此若也來此何曾習定達磨達曰我
來此處心亦不亂定隨人習豈在處
所師子曰仁者來也其習亦至既無
處所豈在人習達磨達曰定習人故
非人習定我雖來去其定常習師子

曰人非習定定習人故當自來去其
定誰習達磨達曰如淨明珠內外無
翳定若通達必當如此師子曰定若
通達一似明珠今見仁者非珠之徒
達磨達曰其珠明徹內外悉定我心
不亂猶若此淨師子曰其珠無內外
仁者何能定穢物非搖動此定不是
淨尔時達磨達即從座起禮拜師子

尊者云久受勤苦亦無所解今遇尊者如飢渴人得近天饌當賜依近而可得食是時師子尊者告達磨達曰彼諸衆等瞻仰仁者年德高厚今於此住當乖衆意今時達磨達頭面作禮歡喜踊躍伏願尊者當賜教誨師子告曰諸佛禪定無有所得諸佛覺道無有所證無得無證是真解脫又

曰道無所得定無所證於諸相中悉
不能主行住自在無所計著酬因答
果世所業報於此道中悉不如是若
言道者進之不先退之不後單之不
隻雙之不闕薄而不輕重而不厚汝
學於定其道相湊尔時達磨達聞師
說法心生恭信瞻仰尊者如已父母

余時師子尊者在彼國土之中說法
度衆如瓠伽沙是時國中有一長者
生得一子名曰斯多年近二十左手
之中拳似執物自生已來悉不曾開
其父夜夢有神人令將此子送與師
子教鑿此手其父覺已心自念言雖
有一子手不具足若遇善者當從出
家我不留悟余時師子比丘在於座

上作是思惟我至此國近五十年無
一法器而成立者作是語已入定觀察
得寤昔事即出定日有一童子不久
合至尔時長者即領其子依夢神語
借訪師子至于座前禮信尊者白其
前事令子事師尊者納受亦無所疑
告衆人曰汝等識此童子手中而有
何物衆人曰不惻尊者曰此童子手中

是一寶珠何以故我於先世之中曾
為比丘常念龍王經有一童子名曰
婆舍將隨諸處受其供養忽於一日
有一龍王請吾赴齋令此童子而隨
從之至彼齋畢龍惠一珠令彼童子
而收掌之我於一日當自滅度忘處
于事而生於此彼子後終手執其寶

心常孝順感于生此尔時尊者即令
婆舍童子汝便開手當過珠來尔時
婆舍童子即展其手當現一珠不失
前意尔時師子尊者即與出家當命
聖者而與受戒得度脫已師告曰汝
先名婆舍今字斯多汝莫別號統爲
一名名婆舍斯多又曰吾常觀察今
此國土當有魔起吾今年朽恐入涅

髡師預記我法在吾身必當形害又
曰如來以大法眼付囑迦葉如是展轉
乃至於我我將此法并僧伽梨衣付
囑於汝汝當護持無令斷絕汝受吾
教聽吾偈言正說知見時知見俱是
心當心即知見知見即于今又告曰汝
受此教傳於外國勿令斷滅彼若生
疑當已吾衣用爲法信汝速出國莫

住於此。今時婆舍斯多言善哉善哉。
躬受其教。頂戴奉行。時師子尊者付
法。既已時。罽賓國中有外道兄弟二
人。隱山學術。兄名魔月。多弟名都落
遮。落遮學法。纔成。啓兄言曰。我欲騁
術。盜入皇居。作法變徒。欲基寶位。兄
語曰。汝若現身。應須變相。恐後究跡。

悞累宗枝落遮旣聞兄許即馳神術
夜往帝宮化徒爲僧覆思二事我法
若成便昇寶位我術若敗過落沙門
纔起此念神力不加宮巡覺而射之
中箭悉皆墜地而死宮官聞奏北天
王彌羅崛云有數百沙門夜後作法
入宮遇宮巡使搃皆射落尔時北天大
王極甚驚怒此事非輕不可容捨順

遵善事宗信如天逆惡生頑不疑之
地朕虔崇釋教將爲導師何期沙門
亂我宮國古來塔寺多藏怪徵訛見
道人揔須歇滅王乃邪見熾盛破壞
寺塔殺害衆僧每加惡言謗毀正法
時師子尊者數告衆僧曰王有惡念
必當爲我等輩而無利益諸人聞師
子語遂欲移尊者隱山師曰吾觀蘊

空故不逃耳後北天王彌羅崛果杖
劍而來至師子所問曰師所得法豈
不無相耶師今得不荅云已得王曰
既得無相生死有懼不荅已離生死
王曰既離生死計應無懼可施我頭
師曰身非我有何況於頭王即舉利
劍斷師子首斷已無血白乳涌出舉

高一丈其王右臂忽然自落王便驚
怖悔過邪見時有太子名曰光首見
父如此心大憂怖乃問諸臣設何方
便救得父王時群臣曰當在聖言曰太
子曰若有智者能觀察故知我父王
以何業故至于此地今時北天王後至
七日當爾命終時當此土前魏第三
主少帝已卯之歲入涅槃也

師子弟子章橫師統引品第三十一
此下二章魏支疆
梁樓三藏續法記
今時北天罽賓國王有一太子名曰光
首見王崩化心即驚寤當自念言我
王何故而有此報彼至小國無有大
智爲我觀察令知昔由是時太子即
出一敕詔諸智者同會于殿是時有
一仙人止于象白山間有此詔當自往
王宮殿云我善智者而聞命故特至

於此太子見已生信重問大仙曰父
王何因緣而致崩于此此國有智者
名曰師子尊在此五十年忽爾被王
殺此師無他故不省有過誤願仙觀
察知令我心安報尔時仙人告太子
曰此是先世業非因今日造太子善
諦聽當爲廣宣說尔時父王曾於先

世第五劫中好爲無遮齋頭此師子
者當於此時作一白衣多聞智慧領
徒衆至于會上心生輕慢尔時齋主
即至會中此白衣與齋主言論多有
疏失齋主荅應皆合大理亦不失次
衆人共笑云此無理此白衣人心多
勇健於諸言論悉得第一忽於此日
而失其便即令從者密持毒藥損此

齋主今時齋主尋被此藥悶絕而卒
此白衣者經于四劫彼福壯故諸患
衰弱且受福報今此果熟而來還債
齋主福報當合為王彼道業成而為
師子今此相會而酬宿因非是今生
斬新造得今時光首太子聞說昔事
心即崇重為王作福廣設檀施又捨
玉石而與尊者起塔供養光首太子

重賜仙人金銀玉帛是時仙人不受
一物即告太子去歸本山仙人語光
首太子曰深生信敬不久即位當得
為王名光首尊太子作禮送出宮門
今時達磨達是罽賓國人也與師子
尊者道德並興因師子尊者破彼五
衆其師自至欲與師子尊者徵責其

義經于數疊悉不得勝心自賓伏依
從侍覲彼達磨達是北天七萬七千
羅漢之上座也英俊當時五天獨秀
師資相受都計三代自有二十二
人此達磨達下有二弟子一名因陀羅
摩二名瞿羅忌利婆此上二師是達
磨達親承弟子二人共造毗婆沙論
現行於世故不錄焉此達磨達遷化

當此土前魏第三主少帝時癸未之
歲也此因陀羅摩遷化當此土東晉
元帝二年己卯之歲也此瞿羅忌利
婆遷化當此土東晉元帝十年丁未
之歲也此因陀羅摩者有四親承弟
子第一者名達磨尸利帝當此土東
晉第七主廢帝時壬申之歲滅度第
二者名那伽難提當此土廢帝時癸

西之歲滅度第三者名破樓求多羅
當此土東晉第五主穆帝時辛酉之
歲滅度第四者名波羅婆提當此土
東晉第七主廢帝時庚午之歲滅
度此上四人並是因陀羅摩親承弟
子也此瞿羅忌利婆有二弟子第
一者名婆羅跋摩當此土東晉第九

主武帝時壬午之歲滅度第二者名
僧伽羅又此師作禪經數千偈五百
羅漢之上首也當此土東晉第七王
廢帝癸酉之歲滅度此上二師並是
瞿羅忌利婆親承弟子也前達磨尸
利帝有二弟子第一名摩帝隸披羅
當此土宋第三主文帝元嘉八年辛
未之歲滅度也第二者名訶利跋茂

當此土宋第三主文帝十二年乙亥
之歲滅度此上二師並是達磨尸利
帝親承弟子也前破樓求多羅者有
三弟子第一者名和修盤頭當此土
宋第二主少帝景平二年甲子之歲
滅度第二者名達磨訶帝當此土宋
文帝時四年戊辰之歲滅度第三者
名旃陀夜羅多當此土宋文帝二年

丙寅之歲滅度此上三師並是破樓求
多羅親承弟子前婆羅跋摩者有三
弟子第一者名勒那多羅當此土東
晉安帝時丁巳之歲滅度第二者名
盤頭羅多當此土宋文帝二年丙寅
之歲滅度第三者名婆羅婆多當此
土宋文帝十八年壬午之歲滅度此

上三師並是娑羅跋摩親承弟子也
前僧伽羅義者有五弟子第一者名
毗舍延羅多當此土東晉第十主安
帝丁巳之歲滅度也第二者名毗樓
羅多摩當此土宋第二主少帝時癸
亥之歲滅度第三者名毗栗蕙多羅
當此土宋文帝元嘉四年丁卯之歲
滅度第四者名憂波羶駄當此土宋

文帝十年癸酉之歲滅度第五者名
婆難提多當此土東晉第十主安帝
時乙卯之歲滅度此上五師並是僧
伽羅叉親承弟子此上并達磨達四
代共有二十二師今時迦葉爲首直
下血脉至般若多羅有二十七師名爲
正祖自達磨達下二十二人自爲一枝
於罽賓國中王化爲有難後隱于罽

賓南象白山葱塗源經得一百後中
天生國支疆梁樓游北天至罽賓國
南屈葱塗源尋象白山忽見一僧居
一茨室有二弟子親承事之即是因
陀羅摩瞿羅忌利婆也三藏向前致
禮問曰和上於此山中經多少歲復名
云何是誰弟子達磨達荅曰是北天

竺人因彌羅崛王起難方隱茲山自
從此居已經一百年朽衰邁行不堪
任本師波梨迦次依師子住三藏又
問曰某乙昔聞師子否迦於此特訪
其由五教興衰爲是禪是律達磨達
荅曰自調御滅後法教流行迦葉傳
持大乘心印如是相付至師子大尊
見授命衣法正任其嗣者則有南天

竺國同學婆舍斯多彼南天梵名曰
婆羅多那也自師子尊者者在日傳付
衣法令速往南天唯此同學賑物利
生是傳師教此三藏旣蒙師說則知
其由云某某昔屆南天早覲婆舍今
覲尊語實無誤焉便辭達磨達而
來震且至于雒陽任白馬寺當前魏
第五主常道卿公諱與字景明丙无

元年辛巳之歲去師子遷化時經于
二載方降此土即當此時也此常道卿
公燕王彭祖之子雖在其位不蒙其
志不稱天子常自謙讓又叔少帝齊
王一歲登位至年十六讓位與定王
霖子定王霖子懼司馬昭不敢稱王
號高貴卿公在位六年年二十薨雖

有六年之位少帝助之治化不顯其
謀前常道卿公便次于後而座四年
亦讓少帝不敢自尊此二公登位如
攝國朝非帝名也今時支疆梁樓在
白馬寺此常道卿公會至禮覲問於
國壽後當永不三藏識曰二公賴虛
位獼猴正當路五人抱一鷄鷄鳴獲
不措常道卿曰此言甚善必無累矣

作禮辭去三藏又日一人好去兩
兩歲平安女子生河內朱輪上進壇
是時常道卿公即歸宮內告諸王子
說此前事悉不能惻自茲已還經于
四載前魏絕嗣乙酉之歲司馬炎登
位稱于西晉河內人也即是司馬昭
之子也改爲太始元年是時晉魏之
間名僧二人三藏四人悉會此處共

譯經一十三部以爲魏朝經錄矣并
括祖師遷化年代共詳本事僉于此
名僧二人者一名曇柯二名白延三
藏四人一名支疆梁接二名安法賢
三名曇諦四名康僧鎰此上六人並
通聖矣

寶林傳卷第五